

necessitas venerit, abbatem eligendi, et ut à nullo Episcopo de dominicalibus mansis ejusdem monasterii decimæ exigantur, neque à comite, vel ex qualibet judiciaria potestate Coloni eorum ac liti ad justitiam faciendam aliquo banno constringantur, sed coram advocatis ejusdem loci justitiam facere cogantur, sicut anteriorum Francorum Regum temporibus præfato monasterio concessum fuisse cunctis fidelibus nostris liquido patet. Et ut hæc auctoritas nostræ largitionis firmiter habeatur, atque per futura tempora à fidelibus nostris verius credatur, et ne deinceps hinc aliqua dubietas fiat, nostra propria manu subter eam firmavimus, et annuli nostri impressione signari jussimus.

Signum Domni Henrici Serenissimi Regis.

Simon Notarius ad vicem Herigeri Archicappellani recognovi et sss.

Data X Calend. Martii anno Incarnationis Domini DCCCCXXII Indictione X anno autem regni gloriosissimi Regis Henrici III actum in villa, quæ dicitur Quitlingaburg in Dei nomine feliciter amen.

Genus Mathildis conjugis Henrici. *Grantz. l. 3. Sax. c. 11. & 12. Widekindg lib. 1. Saxon. Otto Frising. lib. 1.* Machtildis Regina (cujus rogatu Rex Corbeiensibus exinde ceterisque religiosis familijs tam largè benefecit) & formæ pulchritudine, & morum elegantia, & nobilitate pietateque clarissima per id tempus matrona erat, quæ Theodorico patre comite Oldenburgico & Ringelheimio genita, tam in eo genus ad Widekindum M. referebat, quam Henricus per Ludolphum avum Saxonix ducem, Conditoremque monasterij Gandersheimensis; sed pietate & religione multò illustrior, Conditrixque multorum cœnobiorum. Ea ex conjugate Henricus Rex suscepit Ottonem M. Imperatorem, Henricum Bavariæ ducem, Brunonem Coloniensem Archiepiscopum & Lotharingiæ ducem, magnos illos Saxonix Germaniæque heroës, & tot inde Regum genitores; tanquam Deus tam piorum parentum munificentiam in Ecclesias & religiosorum familias tanta filiorum ac nepotum felicitate remunerârit.

Annus Christi 923.

Joannis X Pont. 12.

Henrici I Reg. Germ. 5.

Unwani Ep. Pad. 5.

*Flodoardus
Regin. cont.
Sagebertus
Marianus
Scotus.*

Et clarior inde fortunatiorque Henricus, Regum ea tempestate potentissimus, eoque à Ruperto Galliarum Rege, quem pars procerum elegerant, ejus amicitia ambita; ad eamque firmandam ad Ruram amnem in Ripuaria convenere. Quâ in Regni Galliæ perturbatione Carolus Galliarum Rex ab Heriberto Comite captus, & in carcerem detrusus est, in quo & miseram vitam post sexennium clausit, Germanici regni potentiâ per hæc incrementa; siquidem Saxonix Henricus haud multò post integrum Lotharingiæ Regnum adjecit.

Annus